

প্রভু তোমা লাগি আঁখি জাগে;
 দেখা নাই পাই,
 পথ চাই,
 সেও মনে ভালো লাগে ।
 ধুলাতে বসিয়া দ্বারে
 ভিখারি হৃদয় হা রে
 তোমারি করুণা মাগে ।
 কৃপা নাই পাই,
 শুধু চাই,
 সেও মনে ভালো লাগে ।

আজি এ জগত-মাঝে
 কত সুখে কত কাজে
 চলে গেল সবে আগে ।
 সাথী নাই পাই,
 তোমায় চাই,
 সেও মনে ভালো লাগে ।
 চারি দিকে সুধাভরা
 ব্যাকুল শ্যামল ধরা
 কাঁদায় রে অনুরাগে ।
 দেখা নাই নাই,
 ব্যথা পাই,
 সেও মনে ভালো লাগে ।

Parjaay: Puja, Taal: Kawali, Raag: Mishra Behaag
 Visit www.geetabitan.com for notation and other detail